

ARCHIEPISCOPI PARISIENSIS
PETRI DE MARCA
DISSERTATIONES SELECTAE
ECCLESIASTICAE
TRACTATVM
DE CONCORDIA
SACERDOTII ET IMPERII
ILLVSTRANTES.
ACCESSIT IN HAC NOVISSIMA EDITIONE
CARMINI FIMIANI
IN REGIO NEAPOLITANO ARCHIGYMNASIO
ORDINARII CANONVM PROFESSORIS
PRAEFATIO AD LECTOREM.
TOMVS QVINTVS.



NEAPOLI
APVD VINCENTIVM VRSINVM MDCCCLXXI
SVMTIBVS FRANCISCI ORIAE.
SUPERIORVM FACULTATE.



LECTORI BENEVOLO

S. P. D.

CARMINVS FIMIANVS.



Vam tibi superioribus retro mensibus promissorum fidem publice oppigneraveram, amice Lector, eam nunc, ut inter bonos bene agier oportet, iam exsolvere adgredior. Accipe itaque quintum hoc Operum Petri de Marca volumen, litterarum hominum votis diu multumque expeditum, quod eas complectitur dissertationes, Opuscula, & vero etiam scriptiunculas nonnullas, rem ecclesiasticam illustrantes, quae post acerbum bonisque omnibus luctuosum Auctoris obitum ad publicam lucis usuram evaserunt. Rei litterarum publicae semper interesse ratum est, praestantium virorum lucubrationes, minores praesertim opellas, quarum & facilis esse iactura solet, & difficilis ac sumtuosior comparatio, in unum redactas fasciculum, litterato orbi communicare. Id scilicet factum in Neapolitana hac, omnium quotquot adhuc prodierunt, locupletiore Operum Parisiensis Antistitis editione. Evidem Bibliopolae auctor & suasor extiti, nullis ut parceret sumtibus ac diligentiae in comparandis iis, quae a Praefule post hominum memoriam clarissimo litteris prodita sunt; nec elabi quidquam pateretur eorum, quae ad ecclesiasticam disciplinam spectarent: omnia vero in unum iustae magnitudinis volumen conferret. Gestus mihi mos est ab homine litterariae utilitatis studiosissimo. Quamobrem post recusum apud nos quatuor voluminibus in 4. *Foedus Sacerdotii ac Imperii* & Opuscula eius calci in Parisiensi editione anni MDCLXIX. in fol. subiecta, quintum nunc apparet volumen, quo coniunctim exhibentur Opuscula